

道

辛崖先生全集序


宣教郎知鄂崇陽縣主管勸農營田公事天台郭

森卿題辭

故禮部尚書忠定張公以直道事

太宗

真宗雖不登相位而眷倚特隆天下誦其事業而鮮  
有知其文者今觀其文大抵脫去翰墨畦徑無屬辭  
綴文之迹而磊々落落實光於四方國初踵五季文  
氣之陋柳仲塗穆伯長輩力為古文以振之公初不  
一切磨於此而當時老於文學者稱其秉筆為文有



三代風蓋其光明碩大之學尊主庇民之道英華發  
外而經奇典雅得於天籟之自然殆非語言文字學  
所能到也崇陽本公遺民也後之君子欲誦其詩讀  
其書將於是乎取而無傳焉可乎森卿初至邑會舊  
尹三山陳侯樸授一編書乃公遺文欲刊之縣丞而  
未果屬使成之讀其歌詩有古樂府風氣律句得唐  
人體若声賦之作又其傑然雄偉奇因揭以別編首  
或者以小英歌等不類公作然其詞豔而不流政自  
不害為采廣平梅花賦耳語錄舊傳有三卷今采接  
傳記僅為一卷附焉遺事所載未備輒以所聞增廣  
又於石刻中增收詩八篇好事者有為公年譜亦加  
刪次別為一卷尚論其世者自宜有取爾舊本得之  
通城楊君津家凡十卷今為十二卷其會粹訂証實  
屬之尉曹孫君惟寅而使學生存中泰為外有韓魏  
公所作神道碑內翰王公送公宰崇陽序巽岩祠堂  
記頂平庵北峯亭記此其文皆知公之深者爰並錄  
之覽者得詳焉

垂崖先生全集目錄

第一卷

賦

聲賦

鯨鯨魚賦

放盆池魚賦

第二卷

古詩

悼蜀四十韻

愍農

陽春曲

勸學篇

示弟說

緝書魚

勸酒惜別



解嘲篇

師鳳謠

驚棲篇

贈劉君

送韓使君赴越州十一韻

留別博州推官楊州

淮西叙別

淮西有答

寄晁同年

寄程說傳送人

與進士東巖語

贈聶堯

訓所知

送張及三人赴舉

蕭蘭篇

東門行

白駒謠別喬隨

憫旱

結交篇

祛惑篇

酣飲

二月二日游寶曆寺馬上作

書園吏申花開榜子

孟詞

筵上贈小英

第三卷

律詩

登崇陽縣北峯亭

登崇陽縣美亭

縣坐秋夕

新秦遣懷

群坐秋夕

鄴中留別平仲

至道乙未蜀中送人東歸

再任蜀川感懷 蜀中傷陳恕左丞

寄傅逸人 每憶家園樂寄傅逸人

送張及之任穀城

送趙寺丞罷秩遊青城山

金陵群坐述懷 群坐書情寄仙遊張及

淮陽書懷寄朝中親旧

遊趙氏西園 上楊大諫

寄田錫舍人 寄郝太冲

送別蘇寺丞 送別祝隱士

歸越東舊隱留別秦中知己

贈祝卜隱者 贈孫曹二生

郊居會傅逸人 再會傅逸人

貽傅逸人

第四卷

律詩

郊居寄朝中知己 懷張白逸人

訪人不遇 和人惜春

酬宗人殿院見示詩集

依韻答人九華山圖

和人登朗州江亭  
答人惠四明山蕉葉扇

旅懷  
洛中寓居

公暇偶作  
舟行感懷

舟次辰陽  
遊桃源觀

舟中晚望桃源山  
幽居

旅懷  
吳宮石

旅中感懷  
退居近墅

歸隱嵩陽  
本農

喜雨  
秋霖

庭竹  
朝日蓮

弱柳  
曲湖種柳

新移蓼花

第五卷

絕句

秋日登美亭  
縣丞感懷

寄高主簿  
同常主簿祈雨

新市驛別郭同年  
早發鄂渚

晚泊長亭驛  
新秦送人東歸

相州官舍  
越職荆湖途中作

杭州一百五日水心亭留題

夫差廟

過華山

途中

驪山感事

再任益州回留題劍門石壁

路中

舟行

峽路阻風

過武陵溪一首

桃源觀

夜坐

吊屈原

苦熱

雨夜二首

諭意

方竹二首

方竹杖寄蘇內翰

柳枝詞

和人牡丹

寄傅逸人

關下寄傅逸人

秋日寄友人

送別王秘丞

送別李司直

送魏道士

答劉道人

莫春憶友人

遣兵勉友人

謝雲居士山人草鞋

請人画嵩山圖

鷺鷥

聞鷓鴣

第六卷

雜著

詹何對楚王疏

擬富民侯傳贊



釋芥贊

木伯傳

蘇公堰銘

張氏新小橋銘

三不欺箴

慎箴

福箴

謂狄梁公廟文

罵青蠅文

第七卷

書

上宰相書

寄張太玄書

答馮華進士書

與蘇員外書

大名府請昔存張單書

寄馮華李鏐書

田路逸人卷書

答王觀察書

答汝州王太監書

答楊內翰書

寄張及寺丞書

與洪州安撫王維端郎中書

與大諫陳情書

謝焦文學書

答友生問文書

第八卷

記

麟州通判廳記

陝府回鑿寺記

益州重修公署記

重修轉運司公署記

春日宴李氏林亭記

序

送趙况進士謁李員序

送田錫韓正之任序

贈丘生別序

許昌詩集序

送進士張及赴舉序

碑銘

大宋贈左監門衛將軍上官公神道碑銘

第九卷

表

通判相州求養親表

荆湖轉運蒙

恩獎諭謝表

奏鄭元祐事蒙

恩獎謝諭表

讓起復表

謝起復表

賀西川賊平表

杭州蒙恩獎諭謝表

謝恤刑表

賀聖駕幸澶州還京表

謝除吏部侍郎表

益州謝降詔獎諭表

益州謝傳獎諭表

昇州到任謝表

第十卷

表

賀東封禮畢表

謝賜銜書封禪銘贊記副本表

甘露賀表  
謝加階封表

昇州謝傳宣撫問表

謝加工部尚書再任表

昇州又謝傳宣撫問表

進文字表  
謝除禮部尚書東封息

賀祀后土禮畢大赦表

謝加階食邑表  
謝封贈表

辭赴陳州表  
陳州到任謝表

第十一卷

狀

著作佐郎求元幕職狀

奏鄭元祐事自陳狀

申堂自陳狀  
謝賜曆日狀

廣都縣馮其歐母待罪狀

西川回乞持服狀  
再任益州謝傳宣撫問狀

昇州謝就差江東安撫使狀

謝傳宣撫問夫火及安撫人戶事狀

謝進文字賜詔獎諭狀

昇州謝恩撫問狀

謝賜衣祆狀

病瘡乞任使狀

陳州謝傳宣撫問狀

第十二卷

語錄

忠定公傳

垂崖先生全集目錄終

垂崖先生全集卷之一

賦

聲賦并序

聲賦之作豈拘模限韻春雷秋岳之為事也蓋取諸聲成之文王化之本苟有所補不愧空言亦賦曰

因象迷冥夫人忽生混沌初竅呀然震驚二儀吐形萬靈吐英天机動制軋而為聲故形有美惡為聲有大小為伊物類之動作候人事而克全至於大雷隱空萬竅風吼不為之隆品物磨臬羽足動發不為之



未未若人声與天通功與物長雄口吻之啟義于厥  
躬道托之張騰凌鴻濛其所聞者羲皇唐虞繼踵而  
至宇宙隘其神造化侷其智在声之偉也得迴天  
而動地觀其得一之發清、冷、涼、寒、洗、瀉、萬類聽  
之如懵而醒仁信之發溶、爽、吁道振德萬類聽  
之如白破黑曰礼曰義相迭而起鳴孝響悌駭心清  
耳萬類聽之如愁得喜廣成五老聞而啟齒曰是何  
帝王之声也如此九道交訛華夷和歌蠢動鼻息歡  
昭冥多其在物也昭、融、萬緣和同萬類響空答  
天之功其在人也萬心氣平萬口宣騰雲門六英答

君之声故

五音八声八声之声之枝收金石絲

竹声之器狀若本不正而声不清何嘗動天地泣鬼  
神而有如三王迭生異業同声唱古寡應呼今得精  
儀礼以之繁會時風為之勁清作礼者有周旋之矩  
制樂者有大武之名故聖人之音鏗如鏘金四人之  
沿潺若流水加以商辛夏癸行無轍軌情慾沸空滯  
哇盈耳民不知告政声毀幽厲即作心胡可度唱  
僻者輕脫和偽者交作錯鼓鉦之響日馳礼義之風  
日薄王道民政潰然後怪攻乎止國之音聚為終身  
之樂秦怪一声天搖地抗烘赫火荒茫海傾阿房

輦材耕臬山廻紫塞築壘刺轟震雷鉗聖愚儒四海  
睽孤剝剝亡命痛腦連脛于是民失其業怨口喋喋  
野薄其農荆榛颶風刑失其矩民哀無所兵甲填委  
死為怨鬼故怨之為氣也散為囂塵積為屯雲閉鬱  
六合陽靈不暎怨之為聲也烈風相倚怒濤魚起鬼  
哭于郊神號于市川谷為之開擊山岳以之崩岷陳  
吳一呼而宗社瓦毀天窮地終醜聲不已洎于唐惟  
高與光太宗續堯開元嗣皇皆智冠絕古氣凌吳蒼  
倚天憑怒即動盪于八荒按劍大呼即交映于中方  
借力者黎獻助聲者賢良亦不能廣仁義于遠奏使

道德之擊揚掩商秦之餘韻系唐虞之聲芳者也未  
若我后凝神定思誠求理致與聖作則為難於易惟  
礼是崇惟仁是嗜叩予香冥清淨以聞醴古謬惑皇  
心不平於以忠良是旌息嗟吁之聲不肖是黜息濫  
謬之聲均物惻隱息哀怨之聲厚施薄斂息流亡之  
聲四人是別息澆競之聲控犴是理息枉寬之聲道  
德是守息兵革之聲人勞是恤息彫斲之聲小人是  
遠息邪佞之聲正音是奏息愆慝之聲奇哉壯哉堯  
嗟舜驚致章獲之調下覓唐堯之頌輕浩、蕩、無  
得而名謂聲之襲揚溢昭灼工賢下愚既懽且譁烏

獸蹙、虫虺躍、信千載之一時與有生而同樂余  
欲引声而作未知何若

放盆池魚賦并序

皇宋宥天下十一年予自洛徂陝、收以近戚得  
侯不喜儒墨遂憇駕于易兵部之館庭戶之間有  
盆魚焉綠萍小鮮雜其中以節兒童之樂、即樂  
矣大違夫物之性也遂命放之感而成賦

粵若金張貴孫風臺露軒珠翠爛目煙華斷魂未  
環異慘然綺思遂命破苔紋陷陶器上分紅杏之陰  
下决蓮塘之水於以責女昏誡童僕繫蛛絲之學徑

針織之魚、亦繼致院遠我意宅與綠萍思溜香餌  
日兮夕兮戲汝戲想其魚乎寧忘意欤稟天仁兮化  
質飲靈泉兮孕軀豈不有晞狀運海之類豈不有慕  
力噴雷之後既復漸于鱗蠟安蹶媒于污瀦今者不  
樂動乃触乎四隅客有詞軫窮轍詩歌行葦將問童  
子之欲用汲生、之理無毀尔在無覆尔水江湖可  
待與彼游泳之因樽俎不離解彼因拘之耻去、魚  
兮丁、我私游必避其醜類食無貪于薰飴比日義  
而可及文鯨賢而可眉壯禹門之燒尾擬碣石之撮  
鱗如此則脫地塹排天地鯨鯢為之戢鯢波神為之

驚嘻彼貴尺澤者曾何足知自迤圖遠通溪泛谷一  
動一息爰長爰育斜流可畏蝌蛙之聲下多非淺渚  
那輕收豎之鈎頭更曲得有悅者若前事力予大流  
欽王澤之下及賤昆虫之盛遊時奔雲雨之鄉神其  
救旱日警蝼蟻之制愠若吞舟無忽我誠無後尔羞  
耶勝乎銜珠碩印之儔者也

鯢鯪魚賦并序

太平甲申歲余知邑罷歸浮江而北有若覆甌者  
漾於中流移晷不藏舟人曰此噴魚也觸物即怒  
多為鴟鳥所食遂索書驗名古謂之鯢鯪魚尔因

而賦之亦欲刺世人之福薄者

鴻蒙積氣化生品類順天者自得美名逆天者謂之  
凶器天亦不問任信性而已鯢鯪微物江漢有諸性  
本多怒俗號噴魚其或天晴日暖風微氣和鱗者介  
者潛泳江波服大君之惠化共委、而佗、鯢鯪憤  
排迎流獨逝偶物一觸厥怒四起膨欲裂腹不顧天  
地浮於水上半日未已物或存觸怒亦復始意謂天  
昊曠越不與我遣大江之西流神龍倪然不與我禁  
水族之勿游何巨魚之矯首何靈龜之縮頭何称義  
於此目何為祥之躍舟此類可怒其甚衆使我卒歲



之沈愛者若世之小人兮才荒性卑謂道德不可以  
稱據謂仁義不可以取資咸呼志狂而識昧獨謂量  
絕乎天維妬泄憤冥眸自欺觸藩增咎至死莫知  
尤恐鯨鯢之遷怒慊此善譬之非宜嗚呼造化不能  
移尔之性萬類不能與尔之競雖海有納亦物之病  
乃為辭曰鯨鯢福僻常蘊怒色性不我移仁者尔  
惜殊不知老鳶伺隙翩鼓翼啄腹為食其怒方息  
鳶非尔賊尔自貽伊戚者也

垂崖先生全集卷之一終

垂崖先生全集卷之二

古詩

悼蜀四十韻并序

至道紀號元祀春正月為審官院考績引對  
天子曰天厭西蜀歲荐飢饉任失其人枉政偷剝民  
具嗟怨攝彙肆暴授命虎旅殄滅兇逆矧彼黔首不  
聊其生官人安民朕意罔怠寬則育奸猛則殘俗得  
夫濟者實難其人尔惟方直歷政有績邛焚幽遐往  
理其俗克愛汝其飲哉抵奉厥命朱輅西征夏四月  
二十有八日供厥戢噫謀術庸陋罔敢怠忽豪猾抑

之賦歛乃息存恤窮困招綏流亡杜厥剝削宣揚皇  
風間一歲而民弗克安非郡縣之罪將偏之罪也有  
強者孰不知民心工畏止帥之剝掠下畏草孽之強  
暴乎良家困弊漸復從賊庶賒其死深可恧也

天子遠九重孤賤者憚權豪而不敢言嗚呼雖採詩  
之官闕然久矣而歌詠諷刺道不可寂然其敢作悼  
蜀古風詩四十韻書於視政之廳有識君子幸勿以  
狂瞽為其罪

蜀國富且庶風俗矜浮薄奢僭極珠貝狂佚務娛樂  
紅橋吐飛泉烟柳閉朱閣燭影逐星沈歌声和月落

聞鷄破百萬呼盧繼六噓游女白玉璫驕馬黃金絡  
酒肆夜不高花市春漸怍未稼暮雲連紈繡淑氣錯  
熙熙三十年光景倏如昨天道本害盈侈極禍必作  
當時布政者因思牧民瘼不能宣淳化風移復儉約  
情性非方直多為声色着從欲窈虛奢隨性縱貪攫  
蚕食生灵飢作威恣暴虐佞罔  
天子誰所利惟剝削一方恧恨具千里攘臂躍火氣  
烘寒空雪彩揮蓮鐔無人能却敵何暇施擊柝害物  
黷貨輦皆為白办燂瓦礫積臺榭荆棘迷城郭里第  
鎖臺苔燕履軒喧燕雀斗粟金帛束葛綺羅博悲夫

驕奢民不能飽葵藿

朝廷命元戎帥師盪元惡虎猿一以至梟巢一何弱  
燎毛焰晶熒破竹鋒熠燿兵驕不可戢殺人如戲詭  
悼耄皆麗誅玉石何所度未能翦強暴爭先謀剽掠  
良生計空賒死心隕獲四野拏豺狼五畝孰耕鑿出  
師不以律餘孽何由却鄙夫熾蜂蠆寡術能籠絡邊  
陲未肅清胡顏食天爵世方尚奔馳競誰復振謬謬  
黃屋遠萬里九重高寥廓時稱多英雄才豈無衛霍  
近聞命良臣拭目觀奇畧

勸學示弟說

大化不自言委之在英才玄門非有閑苦學當自閑  
世上百代名莫遺寒如灰梟鷄乃固勉男子胡為哉  
胷中一片地無使容纖埃海鷗尚可狎人世嫌猜  
勤慎君子哉顏閔如瓊瑰剋薄小人事斯真真可哀  
放蕩功不遂滿盈身亦災持心須內疚禍福本無媒

愍農

憊々世事稱無窮千靈萬象生虛空活人性命由百  
穀還須着意在耕農自有奸民逃禁律農夫倍費耕  
田力青巾短褐皮膚乾不避霜風與毒日暮即耕兮  
朝即耘東坵南壠無閑人春秋生成一百倍天下三

分二分貧天意昭，憐下土英賢比跡生。衆宇懲奸  
濟美號長材，來救黎元暗中苦。我聞愍農之要簡，而  
平先銷生食防兼，并更禁貪官與豪吏。愍農之道方  
始行。

緝書魚

綠流北面桃花中，書魚閑鎖塵濛籠。紗窓桂戶明月  
空，堦前草深鳴細虫。千書閱久陰生蠹，治世之文欲  
無緒。彫梁語燕不復歸，華池皓鶴先飛去。我來憇駕  
吟青春，呼奴嘯匠連揮斤。一日整戶庭，二日芟荆榛。  
薙艸留蕙若，掃逕連松筠。千花萬木似得意，幽香細  
韻來相親。衆口藉道一以如初新，伊余世上耽書  
客。古今萬事羅胸臆，運海搏風當振翼。任是青天更  
高碧。

陽春曲

東風習習吹庭樹，知道春權移日馭。青紅獸解露春  
心，凝冷無言避春去。大有閑堦白日長，清詞麗句祝  
春皇。不肯論功烈，惟有年君道昌。

勸酒惜別

春日輾碧空，綠楊紅杏描春色。人生年少不再來，莫  
把青春枉拋擲。思之可不令人驚，中有萬恨千愁并。

今日就花始暢飲座中行客酸離情我欲為君舞長  
劍、歌苦悲人苦厭我欲為君彈瑤琴淳風死去無  
回心不如轉海為飲花為幄羸取青春片時樂明朝  
匹馬嘶春風俗陽花吟胭脂紅車馳馬走狂似沸家  
、帳幙臨晴空天子盛明君止少勿恨功名若不早  
富貴有時來偷閑強懽莫與離憂賈生老

解嘲

我本高陽徒平生意氣凌清虛詞鋒朗日未見試壯  
年束手來窮途蛟龍豈是池中物風雨不來狂不得  
五都年少莫相猜鸞鳳雞犬非朋儕志士抱全節愚

下馬復知寧作鸞鳳飢不為雞犬肥君不見淮陰漢  
將未逢時市人頗解相輕欺又不聞宣尼救、救亂  
治厄來圖陳亦何已往者尚有然余生勿多耻休誇  
捷給饒聲光莫以柔滑勝剛方我愛前賢似松柏肯  
隨秋草凋寒霜道在康民致堯禹豈要長後論可否  
與來轉脚上青雲何必羸驢苦相侮

師鳳謠

我聞丹山之鳳非有八翼四足兮何羽毛之稱奇蓋  
仁於不殺義於知時既信厚於動止而淳音其用稀  
是以眾鳥樂而從之吾疾夫世之小人兮曾不知仁

義之所為故卷耳戲頸背而疾走今吾鳳之師

鷺棲曲

天昏、月媚、鷺棲之鳥伊啞而翩翩豈非海寒天  
風惡扶桑半折枝巢落又非鷓鴣之不仁郊林何苦  
難容身吁啼哉鷓、弄翼出蓬蒿欲就鸞鳳高壘巢  
安巢待何時平林客低枝低枝苦賤良可越却厭爭  
飛嘯鷓鴣星稀夜寒啼轉多恐作枝間斷腸血人生  
功名難与期詎之永夜生愁思援琴欲理鷺棲曲調  
苦声悲不相續

贈劉君

天地有至私劉生与英氣學必摘其真文能取諸類  
叫回堯舜天聒破周孔耳通塞不我知要在歡生意  
居危不苟全憑難立忠義杜江南為主指奸佞日  
果信是人國將亡也  
歸國有賢名

天子聞之喜倒海塞橫流掀天建高議治黃河有功  
議邊將不才

廷办大冒死雪忠臣証楊業忠赤  
為奸臣所陷說言警貴侍重指  
中貴

推四海多壯夫望氣毛國起如今竟陵城推司茶菽  
利鶴情終是孤仁性困亦至勞、愛眾民咄、罵貪

吏方期与叫鬧此实不可棄如何不自持稍負織人  
累酣歌引酒後乱入垂楊市狂來拔劍舞踏破青苔

地群曰咤若奇我心愛爾碎請料高陽後何如東山  
器請料酒仙人何如留侯志去矣劉跋江深心自為  
計

送韓使君赴任越州十一韻

聖皇愛越人與之求良牧韓侯簡帝心受詔荒東服  
再拜陳苦詞臣生非碌未得滅匈奴雖榮亦為辱  
戎醜方歎盟宸息倦兵黷難展窮北威遂作東南福  
况有重慎資足致奸巢覆况有明恕懷可使夷人伏  
行歌煙靄空坐咲江山綠無憂報政遲只怕徵還速  
他日遺遠書幸勿忘蘭菊

留別博州推官楊丹

郊亭欲時桑葉翻空日男兒志在乘長風去夜離  
爰恠顏色鑛卸煌對酒尊醉舞不成空握手耻唱  
悠、易水歌羞折絲、關外柳我欲為君搯峻節研  
清詞古來賢聖同驅馳連城白壁不足道濟時才畧  
為藩籬一以荅惠既再欲酬心知從今明月夜有  
遠相思

淮西叙別

天門高兮未我揭驅馬淮西阻風雪高陽狂客夜敲  
門清談天笑傾金尊一飲史君樓騰、醉未休再約

娛賓曲歌舞喧耳目宛若子之哲兮精神多崛奇  
穆矣簪纓之後兮動止饒令儀繁花不染君子道大  
鵬自有飛鳴時何顧我之弥々不可無言而辭

淮西有荅

天教明道知經綸只在尊君兼庇民鶴板未徵身且  
賤輕車素珮遊紅塵飄々飄々齊與魯半醉半醒陳  
復楚夜倚西風拔劍舞拔劍舞擊劍歌青雲路遙心  
奈何

寄晁同年

昔同白日昇穹碧還同水々國司民籍三年不見頻

寄書兩月相過忘行役桃花江上雪霏々黃鶴樓中  
風力微幽勝逼人魂欲飛此時不醉無與歸人間美  
事應有主別馬蹄沾邊塞土南樓一望心淒迷昨夜  
踈簷滴寒雨休誇筆力敵真風勿憶雲山千萬重但  
偶西風一行雁殺青相問莫辭慵

寄程說傅逸人

綠楊陰暎長楸道桃李初飛紅杏小手扶大白口談  
天得意相歡不知老一從召入金馬門三載長纓事  
邊徼幾欲含毫寄別離悠々亂思如芳艸

與進士宋嚴話別



人之相知須知心，通道氣情轉深凌。山跨陸不道  
遠，踞矯佩劍未相尋。感君見我開口笑，把臂要我談  
王道。幾度微言似慙心，投杯着地推案叫。此事致之  
無復言，且須奉樂催金船。人生通塞未可保，莫將閑  
事索心田。具盡忽告去挑燈，夜如何彈琴起双舞。拍  
手聊長歌，我輩本無流俗態。不教離恨上眉多。

贈聶堯

聶堯懷抱何翹然，遊心聖道三十年。智泉滿激橫碧  
海，文山竒崛凌青天。神充氣溢眸子好，常談盡是經  
綸道。早求入用活蒼黔，莫向塵中虛自老。

訓所知

皇風浩蕩吹地天，下英髦連鳳起。海鷗一飛一萬  
里，三尺微風何謂足。

送張及三人赴舉

才雄楊子雲，古稱蜀川秀。千載遺英声，三賢繼其後。  
文章積學成，孝友亦天授。遠郡得充庭，期將免固陋。

蕭蘭

種蕭芳蘭中，蕭生蘭亦瘁。他日秋風來，蕭蘭一齊敗。  
自古賢者心，所憂在民泰。不獲夢周公，中夜獨慷慨。

東門行

茫：六合生萬靈周公孔子留賢名伊余志尚未著  
調秋風拔劍東門行金龜典酒知是誰逢君使我臺  
双眉眼前萬事不足問要須醉倒高陽池

白駒謠 別高題

白駒如龍兮透而迤紅纒未絆兮天之涯秋風萬里  
思鄉時傷離群兮嘶復悲

憫旱

皇天詔龍司下土穀苗乾死天未雨如何不念蒼生

苦村落敲之椎旱鼓

結交

古人死恨為交難交心不移誠可歡須知閣水生波

瀾壯夫一欲摧心肝

祛惑

過與夜光不肯要捉得泥丸弄到老因嗟蜀望無胸  
懷至今號作思歸鳥

酣飲

不敢指天象，中皆有神不敢說人事漫生奸邪嗔  
豈若內酣飲兀然陶吾真，小不見吾真大無倫  
真苟無所造亦免招悲幸堪笑古人愚刺棘徒殞身

二月二日游室歷奇馬上作

春游千萬家美女顏如花三、西、映花立靚靚盡  
似乘煙霞我身豈比浮游輩蜀地重來治凋瘵見人  
非理即傷嗟見人歡樂生慈愛花間歌管媚春陽花  
外行人欲斷傷更覓花心如蘭麝風來遠郭聞輕香  
昔賢孜孜戒驕蕩猖狂不是風流樣但使家肥存祀  
讓歲、春光好游賞

書國史申花開勝子

後園花開紅滿枝太守倦遊紅不知看花小吏報花  
信太守茫然心忽悲頭上花陰瞥尔過昨日少年今  
老大見說花間舞蝶狂翻飛更着游蜂和

孟、詞

党項婦女捲  
意近數乘間  
孟、寄情托  
意近數乘間

胡中不識春時節門外春迴花未發奴家聞道漢宮  
春遙望南天暉新月攢双眉别部胡笳声亦悲低頭  
自嘆胡無知

廷上贈小英

天教搏百花搏作小英明如花住近桃花坊北面門  
庭掩映如仙家美人宜春言不得龍腦薰衣香入骨  
維陽煥毅如輕雲英毫即輕紗若蟬翼我疑天上織  
女星之精偷入廷中名小英又疑王母侍兒初失意  
滴向人間為飲妓不然何得膚如紅玉初碾成眼似

秋波双臉橫舞態因風欲飛去  
歌声過雲長且清有時歌罷下香砌  
幾人魂魄遙相驚人看小英心不足  
我看小英心本足為我高歌送一杯  
我今贈尔新翻曲

垂崖先生全集卷之二終

垂崖先生全集卷之三

律詩

登崇陽北峯亭

高樹臨公宅凭軒萬木秋  
乱雲橫島嶼鳴雁下汀洲  
到此欲沉醉何門鎖舊愁  
若為陶靖節容易賦歸休

登崇陽縣美亭

萬象盤迴處年來此創亭  
喧闐當邑地清絕倚流扃  
砌迴波流碧窻涼洞姪青  
人家晴渡口漁釣緩沙汀  
岼竹風成韻鼻禽曉晒翎  
栽花多是藥題壁半書經  
遠客憑消恨高僧与勒銘  
掃苔朝復暮闲日醉还醒

不可窮吟思將思列画屏浮虛莫輕賞美，獨丁寧  
縣魚秋夕

才薄難勝任空銷懶惰情公堂群吏散苔地乱蛩声  
隔歲鄉書絕新寒酒病生方今聖明代不敢話榮

登黃鶴樓

重軒檻与雲平一渡登臨萬想生黃鶴信移煙樹  
老碧雲魂乱晚風清何年紫陌紅塵息終日空江白  
浪声莫道安邦是高致此身終約到蓬瀛

新秦遣懷

貂褐久從戎因令筆慵梳中見白髮枕上憶孤峯

風動沙昏晝寒多雪折松此心無与問長願酒盈鍾

登麟州城樓

莫問戎庭苦高閨是夕攀時清官事少邊靜戍人閑  
誰帶臨寒水穿庖倚乱山皇恩止無外不擬更移關

郡魚秋夕

久負高雲約年來半白頭風鷺落葉夕雨滴戍城秋  
調古將誰合心狂慢自愁遲迴不能寐重起凭危樓

鄴中留別平仲

聞說懷經濟乘間過隱庐話言殊不逆交分合如何  
道愧將時背心非与世疎凄凄重惜別蟬噪古槐初

至道乙未蜀中送人東歸

綠楊陰裡卓旌旗一曲離歌獨泣然  
顧我無才狂似鹿羨君清節直如絃  
錦城寇難初平日帝里春和入  
謂天好竭忠誠佐賢主莫教奸佞苦妨賢

再仕蜀川感懷

官職過身髮已衰傍人應呀退休遲  
從來蜀地稱難制此是君恩豈合遠  
兵火因由難即問郡城牢落不  
勝悲無煩苦意思諸葛只可頌條使衆知

李順劉幹王均十年三亂蜀人思葛亮整之亮  
遇離亂提一旅之兵平定川陝此非宏才異畧則

不濟也方今天子仁聖國富兵強只宜取遠寬平  
之詔禁暴刑殺之令不半年自整尔

蜀中傷陳恕左丞

英賢去世同悲管葛才能更比誰  
心盡西山離隱後名喧深殿受恩時  
謀猷不杜人稱傑精審真堪作  
吏師漫說高原向東哭路長天遠豈能知

寄傅逸人

鷗鷺伶竦野朝昏繞戶飛有誰知此意  
獨立對斜暉落葉堆荒徑澄泉照白衣  
聖君方急善應好下魚磯每憶家園樂  
蜀中寄傅逸人

每憶家園樂當年枉用心翻身期濟物明代已腰金  
守道如無取防奸似不任伏令得休去誰肯羨為霖  
每憶家園樂名賢共里閭劇談祛夜癡開室中與傅  
會于韓城終力談話諸隣夜癡皆云不奔幽夢得鄉  
書每發家書傳必先夢漸長性情嬾隔年音信陳終  
嫌累高節不得薦相如淳化末余直省密使人誘傳  
意勉之仕進傳以為荐已是相汙也虛名何濟遂止

送張及之任穀城

不求灼灼不卑垂自愛先賢力自為德行旧多鄉曲  
誇文章新受聖皇知亂親西國春方好去路千峯鶴

亦隨若到縣封修政術漠南元牧是良龜李道知州  
送趙寺丞罷秩遊青城山

公餘長閉目只是老心情聞道尋山去連忙出戶迎  
好峯須到頂靈跡要知名迴日從容說余將少解醒

金陵郡丞述懷

傍人往羨清途野逸情懷亦自扶官舍四邊多種  
竹潮溝一面近生芦病嫌見客依徊甚老覓臨官氣  
味粗不信浮名是身累有時閒撫白髭鬚

郡丞書情寄仙遊張及

老來慵仍甚榮名旧日疎又因經歲病不答故人書

閑閣僧歸後看山吏散初何因問心跡之子最相于  
維陽書懷寄朝中親旧

聖恩重疊念龍鍾新賜淮陽望崇纔有筋骸堪策  
杖無情緒可愛公日思旧隱時何計或問前程  
指空昨日凭高向西望滿川煙樹雨濛濛

遊趙氏西園

蜀中春豔世間殊比並陳園恐未如數里花光浮暖  
日六街塵淨見香車翻空雅樂催歡處入格新詩上  
板初方信承平無一事淮陽間殺老尚書

上楊大諫徽之

東南靈物異端正產賢人才大何高古名雄始入秦  
文江橫舫檝藝圃剗荆榛民事憂偏切金門老更親  
天教任孤直帝亦賞清貧功業榮書史銓題洽縉紳  
苦聞辭綠綬遠擬訪仙真却願希顏者遲留塞艸春

寄田錫舍人

當年心計此心知忽進人亦自疑枉自憂公生白  
髮有何長畧謝清時林僧已怪抽身脫朝侶猶嫌到  
闕遲多喜通規識幽抱路遙無處寄相思

寄栢閣宗涓上人

周衰風雅變詩匠着禪衣身世閑雲片煙霞共鶴歸



引泉涼月動小徑落花飛自信甘時拙終求對掩扉  
寄却太冲

閑愁休問意休疑此事關身合再思心靜易求長世  
法氣狂難與少年時新編到底將何用舊好如今更  
有誰猶憶公堂秋會否遠窓寒竹夜風吹

送別蘇寺丞

公身多不定何路慰飄離莫以微言合苦將幽思悲  
山程朝醉少雪屋夜眠遲即問逢春約芳菲折贈誰

送別祝隱士

龍鍾塵滿衣時扣柴扉暫慰經年別人驚千里歸

山川秋末後風雪雁來稀莫便長林去明時待發揮

送馬道人歸天台

逢山長欲便辭榮見說天台益自驚絕頂要歸終久  
住此時無計伴師行囊携鼎藥身難老路接仙橋眼  
更明莫咲官途滋味薄五湖曾有片帆輕

送人北游

慈親別幾時又作北游期萬馬方征虜單車欲訪誰  
遠身孤劍共幽抱素琴知應渡黃河夕波濤驚夢思

歸越東日隱留別秦中知己

客亭楊柳葉初殘歌咽秋空慘別顏吟愛好峯歸越

路醉衝寒雨出秦關煙蘿庭戶重栖倚漁浦人家舊  
往還縱使功名無分得免教心在怨尤間

贈祝隱者

當年辭聘幣高卧魯郊西道與常流別名將往哲齊  
細岳喧四壁芳艸暗前溪猶有談玄叟時一杖藜

贈孫曹二生

西洛繁華外幽竒二隱同喧卑不入耳賢達許高風  
宮水當門落僧園舊逕通看書悲往事坐石咲晴空  
世界搜吟內山川曠望中憂人過憂已豈是卧雲翁

郊居會傅逸人

久客倦驚魂田居乞暫安義寧忘力學貧要奉親歡  
枕外河聲老門前野色寬支流狂繞砌叢葦品當蘭  
書葉招鄰彥扶筇話肺肝吟懷難契遇醉語動辛酸  
隱几歲時變凭軒雷雨殘致君須有分會此擲魚竿

再會傅逸人

分到知心死不輕幾年曾是愴離情微風吹雨雁初  
落下葉滿堦蛩止鳴時靜苦嫌論劍畧簞涼憑喜轉  
琴聲從來共約雲泉老肯向人間占好名

貽傅逸人

少年名節動人群避俗身居積水濱幾為典衣留遠

客半來歆枕看閑雲門連酒舍青苔滑路近汀沙白  
鳥分誰道無水話黎庶數篇新製詠南薰

垂崖先生全集卷三終

垂崖先生全集卷之四

律詩

郊居寄朝中知己

年來流水壞平田客徑窮愁自可憐汀葦辭搖寒夜  
雨沙鷗閒弄夕陽天狂嫌濁酒難成醉冷笑清詩不  
直錢碧落故人知我否幾回相憶上漁船

懷張白逸人

昔年吟社偶通隣常貴高風入格真名好已期天共  
歌性孤翻與世無親梁園醉別花燒眼楚寺秋歸鶴  
伴身從此幽懷不能說五湖煙月二京塵

訪人不遇

舊徑莓苔合兒童獸閉門踏霜歸遠店涼月照空尊  
雁響蒹葭浦風驚橘柚材知音在何處凝寂欲銷魂

和人惜春

白日不暫任催春去忽賒頻頃綠蟻未恐掃殘花  
漸恐凋雙鬢堪驚遠別家歌臺重一望煙柳數行斜

酬宗人殿院見示詩集

句好如天設省來字：精功夫能到此心意何如清  
已得風雅止任從時世輕何當較才用期與二南并

依韻答人九華山園

每憶眠雲處當簷列翠屏有時聊極目盡日坐忘形  
去此心惟苦懸因恨忽醒數峯秋欲泊虛籟夜重砧  
地鎮三英遠天連萬古青幾人曾得道是草即通靈  
松鶴閑窺鼎龕僧暗誦經終須卜長往回首謝明庭

和人登朗州江亭

城上江亭簇春煙城根老榭浸江瀾何人臨靜夜歌  
罷獸客凭高秋興寬直下路通諸國遠偏東山隔半  
溪寒漁翁似會清吟意笑逐江鷗過淺灘

答人惠四明山蕉葉扇

團：休復頌齊紈蕉葉精新奉世傳更愛四明來處

異可量三伏用時便已無酷暑侵肌骨肯放青蠅觸  
几筵因藉仁風慰黎庶寧知不及古人賢

旅懷

移文休誚客衣塵欲去終慚未了身一夕亂蛩驚別  
恨滿階紅葉愴吟神東周任久知音少白杜拋來旧  
業貧犹善陶潜逸籬菊帶霜開得數枝新

洛中寓居

風塵籍籍伴穷迷旋賃高齋洛水西綠樹不知遊子  
恨夕陽閒引杜鵑啼苔侵旧迹來人絕花滿南軒翠  
竹低自咲詩書冷無味抱琴階下草萋萋

公暇偶作

世情多与道相違偶忽公閑便息机貪競已從心下  
絕愛憎还覓眼中稀時文鍊澆教歸正至易參研尽  
入微本要資身兼报国要知四十九年非

舟中感懷

風帆江上往來頻漁叟應多笑此身自愧無才酬至  
澤已甘行果負青春疲羸未復空忘味綢繆難條欲  
問津更擬傾杯祝天地世間不用長奸人

舟次辰楊

昔賢勞苦為憂官我自無才欲忘飡鳴棹九程灘執

惡宿亭一夜雨声寒山連古洞垂煙合地落秋禽楚  
俗惟難指公餘便東下好奉犹得捲簾看

游桃源觀

一從仙去失仙源樹老臺荒又幾番塵世莫嗟無分  
到星壇空自有名存竹邊風健秋醒眼花底泉香夜  
断魂多少尋真日題處我來重与拂苔痕

舟中晚望桃源山

仙山初指眼初明倚棹因妨半日程雲裏未忘尋去  
路世間爭合有浮名岩空閣老松千尺天靜時聞鶴  
一声更謝暮霞怜惜别滿坡红影焰崢嶸

幽居

落花時節掩關初請絕江城旧酒徒滿屋煙霞春睡  
足一谿風雨夜燈孤易中有象閑消息身外無求免  
歎吁多谢岩僧頻見訪欲迴流水又踟躕

旅懷

儒術精穷久風塵鬢欲衰知音豈易得搔首独何為  
寓舍思親處秋原墜葉時樂天吟更苦笑五陵兒

吳宮石

四正題曰醉石晒藥石玩月朝天坛

何人移置向何年牢落空庭見断頑竹外松間滋澹  
埽土昏苔染更爛編貪怜翫月名偏好莫問朝天信

不還閑醉閑吟  
聊目得漸無  
兔夢憶歸山

旅中感懷

人世貪名豈是閑  
幾回思笑幾淒然  
故鄉路遠不得  
信寒月夜來還  
復圓霜趁悲鴻  
歸楚澤風移殘  
繞下秦川莫言酒  
作銷爰物更有  
新詩一兩篇

退居近墅

選得煙村寄掩扉  
拙謀翻似解忘机  
名場未入老將  
至鄉信不來春  
欲歸窓背晚陰  
黃鳥語簾橫  
幽徑落花飛何由  
盡會蒼、意時復  
携筇上翠微

歸隱高陽

浮世事無限何須  
要到頭  
壯心為客盡  
孤跡卧雲休  
匣劍已全棄  
林僧亦少酬  
從來愁限意  
已待外人愁

本農

奢競若不息  
生民只有  
冤誰搜  
元化窟  
鑿斷  
麗華根  
使絕侵奪  
苦著為  
明聖  
息何煩  
重師古  
即此是  
義軒

喜雨

救旱功何遠  
淋漓盡復  
昏風雷  
潛助勢  
草木豈  
知恩  
積霽消殘影  
枯源漲  
舊痕  
即吟  
渾得意  
重起  
凭前軒

秋霖

觸石便冥蒙  
絳旬失遠空  
深疑竹  
箭浪兼  
起  
蓼花風

淨長苔痕綠寒催木葉紅蒼、不可問惆悵漢陵東

庭竹

挺秀誠堪貴根莖豈異蓮高低全賴水舒卷自知天  
已任群芳妬難妨後笑偏向明終有待呈豔不爭先  
愛重頻移席徵求苦費錢蘭蓀饒酷烈桃杏媿奢研  
應瑞花中絕標名世上傳須栽禁池內用表太平年

弱柳

枝莖何弱種何緣著架扶持勢可憐但見影依常衛  
足更無踈踈欲奈天離情謾指千條線野興堪驚一  
點煙最惜柔似君子夜涼重起遠關邊

曲湖種柳

曲湖連曲接平蕪前事因循好嘆吁不見有源堪畝  
鑿便來此地費工夫蛙能聚響難停息蓮本含香舊  
已無夾岍近教多種柳少延春色到城隅

新移蓼花

蓼叢疎淡老相宜移傍清流曲岍西紅穗已霑巫峽  
雨綠痕猶帶錦江泥吟狂不覺驚幽鷺立困翻疑在  
舊溪官滿便應離此去可量心緒更難齊



一錄

垂崖先生全集卷之四終



程